

PRIMLJENO: 15.07.2010			
Organizaciona jedinica	Klasifikaciona oznaka	Bredni broj	Broj priloga
01-50-1-11-79		10	

Bosna i Hercegovina



Босна и Херцеговина

*Tužilaštvo-Tužiteljstvo Bosne i Hercegovine*  
*Тужилаштво Босне и Херцеговине*

Broj: A-522/10  
Sarajevo, 14.07.2010. godine

**PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM**

**n/r predsjedatelja Zastupničkog doma, g. Niko Lozančić**

**PREDMET: Zastupničko pitanje u vezi procesuiranja ratnog zločina koji se desio 25. i 26. aprila 1992. godine u Derventskom naselju Čardak**

U skladu sa članom 155. stav 3. Poslovnika Zastupničkog doma Parlamentarne skupštine Bosne i Hercegovine, dostavljamo naš odgovor na zastupničko pitanje koje je postavljeno na 79. sjednici Zastupničkog doma od 16.06.2010.godine.

Zastupničko pitanje se odnosi na procesuiranje ratnog zločina koji se navodno desio na pravoslavni vaskrs 25. i 26. aprila 1992. godine kada su regularne snage hrvatske vojske "Riječka brigada", "HVO" i "Zelene beretke" u Derventskom naselju Čardak ubile 37 pripadnika srpske nacionalnosti, među kojima je bilo i žena i djece.

U vezi procesuiranja zločina u u Derventskom naselju Čardak, Tužilaštvo Bosne i Hercegovine provelo je istragu i podiglo optužnicu protiv Ivica Perkovića zv. "Mungos" koji se, između ostalog, tereti da je, kao pripadnik 103. derventske brigade Hrvatskog vijeća obrane (HVO), za vrijeme oružanog sukoba između Teritorijalne odbrane (TO) BiH i HVO-a s jedne strane i oružanih snaga Srpske Republike BiH s druge strane, namjerno nanosio snažnu fizičku i duševnu bol licima srpske nacionalnosti, te poticao druge na izvršenje istih. Kako se navodi u optužnici, optuženi Perković je u mjesecima april, maj i juni 1992. godine, na području Dervente, tukao,



mučio i na druge nečovječne načine zlostavljao osobe srpske nacionalnosti koje su bile protupravno zatočene od strane pripadnika HVO i drugih pripadnika hrvatske vojske tzv. Riječke brigade u prostorijama Doma JNA, tzv. hangaru „Rabić“, kao i prostorijama Osnovne škole u mjestu Zelenika. Optuženi Perković je, kako se navodi u optužnici, zlostavljao zatočenike, tukao ih i ranjavao iz vatrenog oružja, te mučio na izrazito surov način, nanoseći im teške fizičke i duševne patnje.

Optužnica tereti Ivicu Perkovića za krivično djelo ratni zločin protiv civilnog stanovništva iz člana 173. stav 1. Krivičnog zakona BiH u vezi sa tačkom c) koja, između ostalog, uključuje namjerno nanošenje osobi snažnog fizičkog ili duševnog bola ili patnje, a u vezi sa članom 29., 30. i 180. stav 1. KZ BiH.

Sud BiH je potvrdio optužnicu 17.03.2010.godine.

Tužilaštvo BiH je postavilo prijedlog za prenošenje vođenja postupka i Sud BiH je u svom Rješenju od 08.07.2010. godine odlučilo da će postupak protiv optuženog Ivica Perkovića nastaviti Okružni sud Doboj, kao nadležnom sudu.

U trenutku dostavljanja odgovora na zastupničko pitanje, u Tužilaštvu BiH nije evidentiran predmet koji se odnosi na ubijanje civila srpske nacionalnosti u Derventskom naselju Čardak dana 25. i 26. aprila 1992. godine.

Posjedujemo podatke da određeni predmeti koji se odnose na zločine pripadnika HVO-a u Derventskom naselju Čardak u aprilu 1992. godine i obuhvataju protivzakonito odvođenje u logore, nečovječna postupanja, silovanje, nanošenje velikih patnji, nalaze u radu kod Okružnog tužilaštva Doboj, koje provodi istragu u ovim predmetima.



GLAVNI TUŽILAC  
TUŽILAŠTVA- TUŽITELJSTVA  
BOSNE I HERCEGOVINE

Milorad Barašin